

Saib Xyuas Kom Cov Tub Ntxhais Kawm Ntawv Nyab Xeeb

Cov Lus Uas Pheej Nug Heev

Peb cov tsev kawm ntawv puas nyab xeeb?

Peb cov tsev kawm ntawv yeej nyab xeeb. Hais raws li kev tshawb fawb tawm los, tsev kawm ntawv yeej tseem yog qhov chaw nyab xeeb tshaj rau ib tug me nyuam. Muaj coob tshaj 50 lab tus me nyuam kawm ntawv nyob hauv Asmesliskas. Qhov uas yuav muaj ib tug me nyuam twg tuag hauv tsev kawm ntawv tsuas muaj li ib tug ntawm 2 lab tus xwb. Tsoom Fwv Tsev Kawm Ntawv Nroog Xees Phos (SPPS) yuav rau siab ntso ua kom cov tsev kawm ntawv yog ib qhov chaw nyab xeeb rau peb cov me nyuam kawm ntawv thiab loj hlob.

Txhua lub tsev kawm ntawv puas muaj ib qho tswv yim npaj tseg hais tias yuav ua li cas thaum muaj xwm ceev?

Muaj. Txhua lub tsev kawm ntawv yeej muaj ib qho kev npaj tseg – tsim tshwj xeeb rau lub tsev kawm ntawv ntawd – uas ib lub xyos kawm ntawv twg yeej muab rov los xyuas thiab kho dua tshiab ib zaug thaum pib kawm ntawv. Tsis tas li ntawd, cov thawj tswj tsev kawm ntawv thiab cov neeg saib xyuas kev ruaj ntseg nram hauv paus tsev kawm ntawv los kuj muaj sib tham txog tej kev pab cuam uas lub tsev kawm ntawv ntawd xav tau thiab.

Puas pub nqa phom tuaj rau hauv Tsoom Fwv Tsev Kawm Ntawv Nroog Xees Phos (SPPS)?

Tsis pub. Tsoom Fwv Tsev Kawm Ntawv Nroog Xees Phos (SPPS) Pawg Tsav Xwm Txoj Cai 903.00 txwv tsis pub ib tug tib neeg twg nqa phom tuaj rau hauv tsev kawm ntawv. Tshwj tias ho yog cov neeg xws li nram no xwb:

- Ib tug tub ceev xwm saib xyuas kev ruaj ntseg uas muaj ntawv pov thawj nqa phom
- Cov neeg ua dej num uas saib xyuas kev ruaj ntseg rau koog tsev kawm ntawv
- Tus uas tau ntawv tso cai nqa phom los ntawm tus tuam thawj saib xyuas koog tsev kawm ntawv

Yog leej twg hla txoj cai no ces peb yuav tau nog lub txim rau raws li tau teev tseg.

SPPS puas tau ntsuam xyuas txog qhov uas yuav tsum tau muaj lub qhov rooj kuaj hlau nyob rau ntawm cov qhov rooj loj uas nkag los rau hauv cov tsev kawm ntawv?

Peb yeej niaj hnuv ntsuam xyuas seb tshuav yam twg tu ncuu hauv SPPS cov tsev kawm ntawv thiab txhim kho ntxiv mus. Yog thaum twg peb yuav yuav lub qhov rooj kuaj hlau, peb yuav muab tus qauv zoo tshaj uas siv hauv lub teb chaws no thiab tej qauv uas siv nyob rau hauv tej chaw lag luam coj los ntsuam xyuas thiab peb yuav koom tes nrog rau peb cov tub ceev xwm saib xyuas kev ruaj ntseg. Peb txiav txim siab lawm hais tias siv tus kuaj hlau uas tuav ntawm tes yog qhov zoo tshaj thiab peb twb siv nyob rau hauv cov tsev kawm ntawv, cov tuam tsev thiab rooj koom txoos lawm, raws li tsim nyog.

Cov qhov rooj uas nkag los rau hauv cov tsev kawm ntawv puas xauv nyob rau sab nraud thaum nruab hnuv, es tseg cov qhov rooj loj xwb?

Xauv. Qhov nov nws yeej yog peb koog tsev kawm ntawv txoj cai. Tab sis, qee lub tsev kawm ntawv yeej muaj txoj kev saib xyuas nruj dua, raws li qhov uas yuav tsum tau muaj.

Puas yog cov neeg tuaj sab nraud tuaj yuav tsum tau mus sau npe thiab coj daim ID?

Yog. Qhov nov yeej yog tus qauv uas peb pom zoo kom muaj nyob rau hauv txhua lub tsev kawm ntawv.

Yuav ua li cas thiaj yuav tswj tau qhov neeg nkag mus los hauv peb lub tsev kawm ntawv?

Peb yeej tseem niaj hnuv txhim kho tej kev nkag mus los hauv SPPS cov tsev kawm ntawv kom zoo tshaj qhov qub tuaj xws li kho cov qhov rooj dua tshiab, siv cuab yeej technology los tswj txoj kev nkag mus los hauv tsev kawm ntawv, thiab txais neeg ua dej num pab raws li tsim nyog.

Vim li cas thiaj tsis xauv cov qhov rooj txhua lub sij hawm?

Ib yam li nyuam qhuav hais tas los, tsev kawm ntawv yeej saib xyuas kom cov tub ntxhais kawm ntawv thiab neeg ua hauj lwm muaj kev nyab xeeb thiab kev ruaj ntseg sib npaug zos nrog rau qhov ua kom muaj kev tos txais zoo rau cov tsev neeg thiab zej tsoom. Txawm li ntawd los txoj kev nyab xeeb yeej tseem yog qhov tseem ceeb tshaj plaws.

Cov qhov rooj nkag mus rau chav kawm ntawv puas xauv?

Xauv.

Puas muaj xov tooj nyob rau hauv txhua chav kawm ntawv?

Muaj.

Puas muaj tub ceev xwm los sis cov neeg saib kev ruaj ntseg ua hauj lwm nyob rau hauv peb cov tsev kawm ntawv?

Muaj. Peb muaj 10 tus tub ceev xwm uas ua hauj lwm rau peb koog tsev kawm ntawv. Ib txhia tub ceev xwm ntawm 10 tus no raug mus nyob rau tej lub tsev kawm ntawv lawm, muaj ib txhia kuj ua hauj lwm npaj ntsoov tos yog hais tias lub tsev kawm ntawv twg muaj teeb meem es hu xov tooj tuaj ces lawv mam li mus pab. Tsis tas li ntawd, Tsoom Fwv Tsev Kawm Ntawv Nroog Xees Phos (SPPS) kuj muaj ib co neeg ua dej num saib kev ruaj ntseg uas pab rau tej qhov chaw, hauv npav thiab nram hauv paus tsev kawm ntawv thiab.

Cov tsev kawm ntawv puas muaj cov koob thaj duab mus kev (video surveillance cameras) uas pom txhua tus tib neeg tuaj nkag rau hauv tsev kawm ntawv?

Muaj. Peb yeej siv cov koob thaj duab no rau ntau qhov chaw hauv Tsoom Fwv Tsev Kawm Ntawv Nroog Xees Phos.

Cov tsev kawm ntawv puas muaj qhia cov neeg ua dej num thiab tub ntxhais kawm ntawv xyaum qhov kev cob qhia hais tias yuav ua li cas yog hais tias muaj ib tug neeg uas tsis tau kev tso cai (intruder) los sis ib tug neeg nqa phom tuaj rau hauv tsev kawm ntawv kom lawv paub hais tias yuav ua li cas yog tias muaj tej zoo li no tshwm sim? Qhov kev xyaum no muaj xyaum heev npaum li cas?

Muaj. Nyob rau ib xyoo twg, SPPS txhua lub tsev kawm ntawv yeej muaj xyaum txog tsib zaug ntawm qhov uas yuav ua li cas yog hais tias muaj tej yam zoo li no tshwm sim. Tsis tas li ntawd, txhua txhia lub tsev kawm ntawv los yuav tsum tau xyaum qhov yuav ua li cas thaum muaj tsev kub hnyiab (fire drill), yam tsawg kawg tsib zaug, thiab xyaum qhov yuav ua li cas thaum uas muaj huab cua tsis zoo, yam tsawg kawg ib zaug. Txhua txhia yam kev xyaum no, cov thawj coj thiab thawj tswj fwm tsev kawm ntawv yog cov yuav los mus teem hais tias yuav muaj rau thaum twg thiab yuav muab sau tseg, qhia tawm thiab ntsuam xyuas los ntawm cov neeg saib xyuas kev ruaj ntseg (SEM).

Yuav qhia kom cov tub ntxhais uas kawm hauv tsev kawm ntawv them qis (elementary) txawj ua dab tsi thaum muaj cov kev xyaum no?

Lub hom phiaj yog qhia kom lawv txawj nyob twj ywm thiab nyob ntsiag to thiab ua raws nraim li lawv cov xib hwb qhia. Cov txheej txheem yog yuav tsum xauv cov chav kawm ntawv thiab qhov rooj, kaw ntaub qhov rai thiab muab cov tub ntxhais kawm ntawv tshem mus nyob rau ib qhov chaw nraim hauv chav kawm ntawv.

Puas muaj kev pab rau cov me nyuam thiab niam txiv uas xav tau kev pab ntxiv kom tshem tau lawv txoj kev ntshai mus?

Muaj. Yeej muaj pab neeg saib kev kub ntxhov uas kawm tiav los pab tib neeg thiab lawv yeej ua hauj lwm 24 teev hauv ib hnub, xya hnub hauv ib lub lim tiam. Cov kws pab tib neeg thiab kws pab tswv yim yuav muab kev pab cuam rau cov uas xav tau kev pab los sis lawv yuav nrhiav kev pab hauv zej zos rau cov tib neeg uas xav tau kev pab.

Niaj hnub no puas yog muaj kev sib tua tom tsev kawm ntawv ntau dua tuaj los yog peb tsuas hnov txog ntau dua xwb?

Txoj kev sib tua uas muaj kev ploj tuag hauv tsev kawm ntawv tsis tshua muaj lawm; qhov tseeb tiag, kev raug xob tua tseem muaj feem ntau dua (1 tug ntawm 700,000 tus). Tom qab muaj li 63 leeg tau ploj tuag los ntawm kev sib tua hauv tsev kawm ntawv nyob rau xyoo kawm ntawv 2006-2007, cov tib neeg uas tau tuag los ntawm kev sib tua hauv tsev kawm ntawv poob mus rau 33 leeg nyob rau xyoo kawm ntawv 20069-2010 – uas yog qhov qis tshaj plaws ntawm nees nkaum lub xyoo, raws li hais los ntawm Department of Education.

Kuv yuav mus saib qhov twg thiaj yuav paub ntxiv txog kev nyab xeeb thiab kev ruaj ntseg hauv SPPS?

<http://safety.spps.org>